

肺癰

金匱云。問曰。病欬逆。脉之何以知爲肺癰。吐之則死。其脉何類。師曰。寸口脉微。數則爲熱。微則汗出。數則惡寒。風中於衛。呼氣不入。熱過於營。吸而不出。風傷皮毛。熱傷血脉。風舍於肺。其人則欬。口乾喘滿。咽燥不渴。多唾濁沫。時時振寒。熱之所過。血爲之凝滯。畜結癰膿。吐如米粥。始萌可救。膿成則死。

肺癰之脉。旣云滑數。此復云微數者。非脉之有不

同也。滑數者已成之脉。微數者初起之因也。初起以左右三部脉微。知衛中於風而自汗。左右三部脉數。爲營吸其熱而畏寒。然風入衛。尚隨呼氣而出。不能深入。所傷者不過在於皮毛。以漸舍肺俞而欬唾振寒。茲時從外入者。從外出之。易易也。若夫熱過於營。卽隨吸氣深入。不出而傷其血脉矣。衛中於風。得營中之熱。留戀固結於肺葉之間。乃致血爲凝滯。以漸結爲癰膿。是則有形之敗濁。必從瀉肺之法而下驅之。安在始萌不救。聽其膿成。

而致肺葉腐敗耶

欬逆上氣。時時唾濁。坐不得眠。皂莢丸主之。

火熱之毒。結聚於肺。表之裏之。清之溫之。曾不少
應。堅而不可攻。惟此無堅不入。聿成蕩滌之功。不
可以藥之微賤而忽諸。若因外感所觸而成。當取
用千金桂枝去芍藥加皂莢湯最佳。足可補仲景
之未迨也。

欬而胸滿振寒。脉數咽乾不渴。時吐濁唾腥臭。久久
吐膿如米粥者。爲肺癰。桔梗湯主之。

此上提之法也。癰結肺中。所以濁唾腥臭。乘其新造未固。提而出之。如其勢已入裏。又當引之從胃入腸。此法殊不中用矣。所以宋人附以十六味桔梗湯。兼合葶藶瀉肺之意外。內合邪之治也。肺癰喘不得卧。葶藶大棗瀉肺湯主之。

此治肺癰喫緊之方也。肺中生癰。不瀉其肺。更欲何待。然日久癰膿已成。瀉之無益。日久肺氣已索。瀉之轉傷。惟血結而膿未成。當亟以瀉肺之法奪之。若一身面目浮腫。鼻塞清涕出。爲表證未罷。當

先與小青龍湯一劑後乃服之

石頑曰肺癰危證。乘初起時極力攻之。庶可救療。金匱特立二方。各有主見。如患人平昔善飲嗜嗽。痰溼漸漬於肺。宜皂莢丸。肥盛喘滿多痰。宜葶藶大棗瀉肺湯。千金補所不足。復立桂枝去芍藥加皂莢湯。以治風寒客邪感觸發熱之證。葦莖湯以治心脾過勞。肺氣不化。水道不利之疾。功效最速。宋人又有十六味桔梗湯。雖未盡善。亦可以備諸治之採用。若畏其峻而守王道之方。真養癰以待斃耳。明眼者辯治宜

早也。

凡欬嗽吐臭稠痰。胸中隱痛。鼻息不聞香臭。項強不能轉側。欬則遺尿。自汗喘急。呼吸不利。飲食減少。脉數盛而芤。惡風毛聳。便是肺癰之候。蓋由感受風寒。未經發越。停留肺中。蘊發爲熱。或挾溼熱痰涎垢膩。蒸淫肺竅。皆能致此。慎不可用溫補保肺藥。尤忌發汗傷其肺氣。往往不救。金匱皂莢丸。葶藶大棗瀉肺湯。千金桂枝去芍藥加皂莢湯。葶藶湯。宋人十六味桔梗湯。俱肺癰專藥。○初起用葶藶湯。此方大疏肺

氣服之使溼痰悉趨溺孔而去一二服卽應脉浮表
熱加葱白香豉氣口脉盛加犀角竹茹痰多加貝母
葶仁蛤粉引痛加紫苑白蜜○初起欬逆不利二味
桔梗湯加貝母紫苑多汗加防已黃耆○潰後唾膿
血不止葶薤薏苡瀉肺湯隨證加減○欬有微熱煩
滿胸中塊壘甲錯者千金用合歡皮一味日取掌大
一塊煎湯服○平昔勞心思慮多鬱火人唾臭痰鮮
血此屬陰火但與生料六味丸加麥冬紫苑之類若
誤投參耆補氣補火臭痰轉甚者急宜上法加童便

服之自清。○初起疑似未真。○生大豆絞漿飲之。○不覺
腥氣。○便爲真候。○大抵聲音清朗。○膿痰稀澤。○或間有鮮
血。○飲食知味。○胸脇不疼。○或欬則微痛。○痛在右畔肺之
長葉。○而坐卧得寧。○形色如常。○便溺自調者。○可治。○若潰
後大熱不止。○時時惡寒。○胸中隱痛。○痛在左畔肺之短
葉。○此金氣淺薄。○潰後最難平復。○而喘汗面赤。○坐卧不
安。○飲食無味。○膿痰腥穢不已者。○難治。○若喘鳴不休。○唇
反咯吐膿血。○色如敗溺。○臭異常。○正氣大敗。○而不知
痛。○坐不得卧。○飲食艱進。○爪甲紫而帶灣。○手掌如枯樹。

皮面艷。顴紅。聲啞。鼻煽者不治。○肺癰初起。脉不宜數大。潰後最忌短濇。脉緩滑面白者生。脉弦急面赤者死。○肺癰已破入風者不治。卽濃煎葱白香豉湯頻服之。然多不救。

肺癰丹方。初起唾臭痰沫。用陳年芥蘼汁溫服。灌吐最妙。一方用荷葉濃煎。稍入白蜜。不時服之。不問已潰未潰皆効。又方以猪肺去心。竹刀刮去垢沫。取接骨木二兩。金器中煮熟。淡食日服。無間五七日當効。潰後排膿。用金鯉湯以小活鯉魚去腸垢。入貝母末。

三錢。隔水童便煮。和汁食之。日服一枚。皆屢驗。然不
若薏苡根搗汁。頓熱服之。其効最捷。下咽其臭卽解。
有蟲者。蟲卽死出。薏苡爲肺癰專藥。然性燥。氣滯。服
之未免上壅。不及根汁之立能下奪。已潰未潰。皆可
挽回。諸方皆不及也。○肺癰潰後。膿痰漸稀。氣息漸
減。忽然臭痰復甚。此餘毒未盡。內氣復發。必然之理。
不可歸咎於調理服食失宜也。但雖屢發而勢漸輕。
可。可許收功。若屢發而痰穢轉甚。脉形轉疾者。終成
不起也。

瘖

經云邪入於陰則瘖。人卒然無音者。寒氣客於厭。則厭不能發。發不能下。至其開闔不致。故無音。失音大都不越於肺。然須以暴病得之。爲邪鬱氣逆。久病得之。爲津枯血槁。蓋暴瘖總是寒包熱邪。或本內熱而後受寒。或先外感而食寒物。竝宜辛涼和解。稍兼辛溫散之。消風散用薑汁調服。緩緩進之。或只一味生薑汁亦可。冷熱嗽後失音尤宜。若咽破聲嘶而痛。是火邪遏閉傷肺。昔人所謂金實不鳴。金破亦

不鳴也。古法用清咽寧肺湯。今改用生脉散合六味丸作湯。所謂壯水之主以制陽光也。○肥人痰涎壅滯。氣道不通而聲瘖者。二陳導痰開滌之。一切滋補皆爲禁劑。至若久病失音。必是氣虛挾痰之故。宜滋肺腎之化源。非生脉散下都炁丸不可。凡咽乾聲稿者。潤肺爲主。生脉散合異功散。若膈內作痛。破瘀爲先。代抵當丸最妥。更有舌瘖不能言者。亦當分別新久。新病舌瘖不能言。必是風痰爲患。類中風例治之。若肥人舌短不能言。或舌根強硬。導痰湯爲主。若久

病後或大失血後舌萎不能言大虛挾寒例治之要在臨證審察病因無誤然中風暴病失音多緣少陰真氣久虛而得更兼遺尿五絕證見不可治矣若冬月欬嗽寒痰結於咽喉語聲不出者此寒氣客於會厭故卒然而瘖也麻杏甘石湯或古今錄驗續命湯選用若失音不語已經發散潤肺而不應者生脉散并童真丸噙化之若欬喘氣促而胸中滿悶聲瘖不出者肺胃氣燥不能祛散餘邪也紫菀散主之亦有叫罵聲嘶而喉破失音者十全大補湯若肺氣虛寒

爲厲風所傷喘欬聲嘶或先傷熱而寒鬱熱邪聲瘖
不出者千金酥蜜膏又咽痛起於四五日間或因欬
劇而得或多稠痰結痰而咽喉上腭腫痛其聲雖啞
而尚有音破濁脉大緩而右寸尤甚此熱結於肺也
宜用辛涼之劑如桔梗湯加葱白香豉荊芥薄荷兼
有風寒客邪更須桂枝芍藥薑棗膠飴之類并以薑
蜜製黃蘗噉之慎不可驟用歛降之藥若暴啞聲不
出咽痛異常卒然而起或欲欬而不能欬或無痰或
清痰上溢脉多弦緊或數疾無倫此大寒犯腎也麻

黃附子細辛湯溫之。并以蜜製附子。噉之。慎不可輕用寒涼之劑。二證寒熱天淵。不可不辯也。胎前產後失音。另詳本門。

石頑治西客王如嵩。觸寒來蘇。忽然喘逆聲啞。咽喉疼痛。察其形體豐盛。而飲噉如常。切其脉象浮。更而按之益勁。此必寒包熱。邪傷犯肺絡也。遂以麻杏甘石湯加半夏。細辛。大劑葶藶。二服喘止聲出。但呼吸尚有微痞。更與二陳枳桔。葶藶之類。調理而安。

王惟一數年前雖有血證而年壯力強四月間忽患欬嗽服發散藥後痰中見血數口繼服滋陰藥過多遂聲嘶而啞時覺胸中氣塞遷延月餘乃兄勤中謁中遜余往診脉雖沉濡而按之益力舉之應指且體豐色澤絕非陰虛之候因諭之曰台翁之聲啞是金實不鳴良非金破不鳴之比因疏導痰湯加人中黃澤瀉方專一滌痰爲務四劑後痰中見紫黑而數塊其聲漸出而嘶未除更以秋石兼人中黃棗肉丸服經月而聲音清明始終未嘗